




心名緒言

全

73
6427



73
6427

門 73
號 6427
卷



世文士之好著述也。然
 紀序其行于世者。必系乎
 多。然而省之。無所補。無之
 其不闕。則亦徒然而已。何
 必為之。者。與友人大觀。及



279

正名錄言 卷一
此因以一慨項大親手一冊來。
示之曰。猶是以為徒然。與年
取而視之。正名之說也。乃頓曰。
豈翅徒乎。誤人之害。其在子
斯矣。且子何用是正。若為。
大親曰。何見斤之峻。雖然。至

刻子之道。子盡為我序。以道
其所。以斤為是。其說不與子合
者。亦多之耳。唯我若心。孔子既時
知也。余嘆而領之。既題其首曰。
夫名也者。王者所以自命。此他

人所待而改也。吾滴今得一墓石。
名為某山。得一朽株。名為某峰。
新物也。象之有也。名既定矣。
人誰不從而呼。有賤僕不可其
名。私心更之。必將怒且撻。友職

豈非上之有欲。乃士庶而遂名。
其所為賤僕也。大矣。然則大觀
何為有新撰也。今之職名。方之
字。語。直指其事而呼之。外懼之
者。未。或不能。嗚呼。大觀乃撰

以之字而史之記載耳。非若古儒
揚古存目之職也。而記載之用
特行法遠。乃之里。決又何取
焉。獨懼輕俊年少。遽見大
觀不為。而弗之審其志不在。

或一據斯書。以為典要。或若
高其說。以衍古雅。將之不能其
弊者。此年之不以當一斥之也。
讀者有見於其苦心矣。而斯
書之區。安知其此可考哉。

天明己酉春正月

社友尾原成撰



養生將刻其先人正名緒言法改舊年舊序余
才乏痛且屢尤跟作字而大觀余之故人也必不色他人
書之乃強秉筆憊之時寒業堅指且矣且出潦字
亦甚然是指大觀於地下也不顧乎大方之嘆也
文化己己季大卯春成再清雪

正名緒言凡例

一莊周有言名者實之賓也又曰苟有其實人與之
名蓋其實既變名亦隨遷此必然之理也正名之
學不可不講焉

一國朝之形勢一變于鎌倉至室町而極矣其間名
號之變亂稱呼之舛訛不可枚舉因循至今未能
或之正也余恒慨焉私考名實之變遷假定賓主
之對偶凡舊說之涉於稱謂者輯畧而折衷焉則
以臆見取次錄之不復分類且標曰正名緒言
一竊闕近世作家其據實而與之名者多失乎僭踰



正名緒言
尾原成

其執名而遺之實者多失乎拘泥皆不免一偏矣
余之所以就中間求正路也

一今代事體既有封建之實猶依郡縣之名和漢古
今未嘗有此樣式也究竟弗能脫擬議遷就焉雖
然必期正名之秋猶望河清豈可閤毫俟之哉故
姑且不得不從事于斯

一凡所引用如盛衰記太平記和事始及正誤殊號
事畧讀史餘論白石雜著護園談餘南留別志制
度通唐官鈔年山記聞講習餘筆等本書皆用國
字今譯以漢文也語言轉折未必無小差焉而大

意則自保弗忒云

一或有徒引書而下不置一辭者是必關係乎前後
條焉如引漢百官表乃照料室町爵號也併而觀
之雅俗淺深瞭然判矣

一此編本將訓童蒙獨懼紕漏或多貽謬後生是以
不敢自安為謄數本就所恃為匠石者而質焉但
欲議論痛快不暇避嫌也母意乎懸之國門長屬
于未定之書試運大斤以斲鼻端之望余雖乏郢
人之質敢憚改過

天明戊申冬十一月

菱實識

天順六年十二月

發賣

天順六年十二月... 平素警衛... 若積勤... 勞若建戰功... 則或賜予田祿... 或叙任官位... 然率止四



正名緒言卷上

武士之名戰國以來有之如蘇秦傳云武士二十萬

是已徂徠曰本朝中古稱武士者亦謂諸國軍兵隨

國大小定額多寡國司沙汰之所遣者也國有軍團

而大少毅等官專掌武事選民之勇悍而堪戰鬪者

習之武藝以充行伍就中又擇其尤者徵諸京師隸

于四府左右衛門府左右衛府或使廳言檢非平素警衛

宮禁有事奔命于四方謂之大番惟時武士若積勤

勞若建戰功則或賜予田祿或叙任官位然率止四

...

府尉諸國介掾靡有超六位者護園談餘又曰古之民耕公田者為良家是即武士也耕私田者為奴婢今之百姓此奴婢之類也南留別思

大名之稱起于鑣倉氏蓋古之時兵農未分卒伍出於田賦而六歲一改班田則安得有所謂多田翁者中葉以還朝綱寢弛班田法壞天下之田為民私有也兼并勢成而有所謂大名者徂徠曰廣有土田多出兵賦故謂之大名較次者謂之小名皆言名主也名主見東鑑里正也鑣倉時武士率無官位故以家道大小差別之護園談餘野史所謂在鑣倉大名小名蓋是也室町

再考太平
記鹽匏入
道自及條
有汝未蒙
公方之思
云云語蓋
府也鑣倉
也

以降事體漸變焉而今之稱大名者略似三代諸侯公方之號未詳其始焉和事始云昉于鹿苑公伊勢氏駁之引雜園執行日記以證先是稱寶篋公為公方者且曰公方猶今世曰公儀公儀邦俗汎指上詞猶漢曰國家亦未詳起何時都士民尊稱幕府詞也史記李牧傳市租皆定斤江都幕府注云以軍非天子命號也和事始或云公方傳莫府古字通用天子命號也正誤或云公方本斥天子詞後來轉為幕府稱呼愚按東鑑未見此名而太平記北野通夜載青砥左衛門行實曰於其身也不苟過差公方事則不吝千金是固記者之辭而非藤綱之言抑夫轉稱之漸或由此際來歟

寬永以來稱公方以大君。按大君字始見易履之六三。武人為于大君。愚意大君汎稱也。稱之于天子稱之于公方皆無不可。今夫庶邦大名假稱為侯也。即公方亦不假一種名號以稱之尊卑何別。蘭林曰凡稱大君者皆言人君。易左傳等所言可見。然有稱人父為大君者。晉書溫嶠嘗謂鯤子尚曰尊大君豈惟識量淹遠。又魏志董昭書與春卿曰足下大君昔避內難此皆稱人父者也。學山錄

驪川草加親賢備前人曰鹿苑公平均字內祖宗三世以威武臨霸府乃制士人之爵為十一級以統焉。一曰公

族二曰大名三曰守護四曰外樣五曰評定衆六曰御供衆七曰申次八曰番方九曰國人十曰奉行十一曰末士而外鎮則依北條氏之制置探題檢斷二等。委以各地之事。東儀自序按守護始于鎌倉氏探題起于北條氏奉行檢斷則舊矣。

探題本言於詩賦轉為職名則監察之義也。守護字面分明檢斷檢按裁斷之意也。奉行見于令。按唐詔勅式中書令宣侍郎奉舍人行本朝亦效之中務卿宣大輔奉少輔行蓋謂奉上旨而行于下也。後來遂為職名如東鑑云以其為鎮西奉行是已。

漢百官表爵一級曰公士二上造三簪褭師古曰以

此馬也四不更五大夫六官大夫七公大夫八公乘

九五大夫十左庶長十一右庶長十二左更十三中

更十四右更十五少上造十六大上造十七駟車庶

長十八大庶長十九關內侯言有侯鄉而居二十徹

侯言其爵位上皆秦制左傳正義云成十三年有不

庶長武春秋之世已有此名蓋後世以漸徹侯金印

紫綬避武帝諱曰通侯或曰列侯改所食國令長名

相又有家丞門大夫庶子官制

劉劭爵制曰春秋傳有庶長鮑商君為政脩其法品

為十八級合關內侯列侯凡二十等其制因古義古

者天子寄軍政於六卿居則以田警則以戰在國則

以比長閭胥族師黨正州長鄉大夫為稱在軍則以

卒伍司馬將軍為號所以異在國之名也秦依古制

其在軍賜爵為等級其帥人皆更卒也有功賜爵則

在軍史之列自一爵以上至不更四等比士也大夫

以上至五大夫五等比大夫也九等依九命之義也

自左庶長以上至大庶長九卿之義也關內侯者依

古圻內子男之義也列侯者依古列國諸侯之義也

然則卿大夫士之品皆倣古制而異其名亦所以殊

軍國也古者以車戰兵車一乘步卒七十二人分翼左右公士步卒之有爵者上造造成也古者升司徒曰造士雖依此名皆步卒也簪褭御駟馬者要褭古之名馬也駕駟馬者其形似簪不更者為車右不復凡更卒同也大夫者在車左者也官大夫公大夫公乘皆軍吏也吏民爵不得過公乘得貫與子若同產然則公乘者軍吏之爵最高者也自左庶長已上至大庶長皆卿大夫皆軍將也所將皆庶人更卒故以庶長為名大庶長即大將軍也左右庶長即左右偏裨將軍也

王
海
官
制

商君天資刻薄為法自弊不可與言治道矣然其所建議更革皆井然有條理雖區區爵名不苟也如此豈謂非偉才哉室町時細川賴之秉政凡百制度皆其所議定稱為有識如何區區者乃弗能改竊而公用鹵莽名稱也嗟夫十一等爵號除公族及守護奉行外皆不入文字則其他稱呼可推而知焉因循至今武弁職名不可記載者十之八九矣豈不遺憾乎東涯曰封建廢而郡縣興漢土之古今也國司替而守護專本朝之古今也本朝之今即漢土之古故述職朝貢今日之禮猶三代之公侯伯子男也視之秦

漢以後則徒存其名焉漢土之今即本朝之古故國
 司郡領王朝之制猶漢唐宋明之郡守縣令也晉之
 三代之時則未見其準焉此古今之大體也錄蓋簪
 今代宗室尾張紀伊水戶曰三家至于近世田安一
 橋清水曰三卿自餘總曰家門即室町所謂公族也
 歸命大名曰外樣功臣受封者曰譜第蓋別于新附
 也

譜第本謂譜系轉為累世之義職原曰凡稱侍者恪
 勤親王大臣等家者名也其中賞譜第賤放塚又曰
 至武士則莫不屬源平二氏者其子孫皆稱譜第今

或作譜代謬矣

侍稱在古甚重弘安禮節載

後宇多帝詔曰五

位六位等下北面推稱侍夫五位六位猶曰推稱則

其重可知矣按職原古者攝關大臣家皆置侍所補

別當六波羅鎌倉亦效之今呼僕隸為侍則濫甚

今代提封之制以石數之一萬至百萬總曰大名其

中爵位自有差等公邑置宰以理者曰代官如漢縣

令而其品較下

提封

漢書康衡傳初衡封僮之安樂鄉本田提封

其封界

三千一百頃南以衡封僮為界注師古曰提封舉

內總數

所謂大名領分也縣之名猶曰管內蓋本郡若

夫代官支配地通鑑梁武紀東魏高洋名唐邕使部也配宜曰治下方今之體公邑封邑犬牙相接與漢之郡國相似焉

萬石以下列于朝班者總曰旗本猶曰麾下蓋本軍行之詞況指中軍衛騎轉入治世因循不改其稱此軍國同名者也

麾下免番直者曰寄合衆列于寄合上本為寄合班見選就職有過免職則復于本班三千石以下布衣以上有過免職亦列于此班曰小普請石以下有罪而黜者入小普請或父居職中其子未補番士而父死則亦列于此班謂之家督小普請世家云家家有長子曰家督今謂白石對韓使問曰凡襲祿為家督者蓋義之轉也

兵少不足成軍者各合其衆於一麾下以成一軍俗呼曰寄合衆按大阪之役陳列有寄合之名則不可謂臆說蓋亦軍行之稱沿舊不改者也小普請每歲百石出三金以助工役故有此名

澹泊曰困學紀聞載俗語皆有所本援引確的然華人所謂俗語今世翻有用為雅語者嘗試言之如普請釐等波稜菜線蘿蔔皆華言也民生日用而不知則此間俗語亦豈無有所從來者湖亭按本朝中古籠樹浮屠因挾朝旨以募建堂塔普請之名蓋起于此後來不問緇素通為工作之目也

書院番唐御書院聚四部書以甲乙丙丁為次列經史子集四庫猶漢蘭臺石渠吾邦室町以來

謂正廳為書院小姓番謂之兩番其餘有大番新番即室町

所謂番方也又有與力同心按唐時供奉親衛勳衛

翊衛散手號衙內五衛見小學先輩或以親衛准小

姓番勳衛准書院番翊衛准與力皆似今若以供奉

擬新番雖不中不遠矣但大番竟不當准散手耳

徂徠曰今之所謂役人猶古職事宜番士猶長上官

南留東涯曰令義解及續日本紀多言材技長上此別志

亦晉唐之制方以智通雅曰長上長直不番上也又

曰長上不獨將士之名也宋故事侍講更直侍讀長

上胤按將士工匠等人不分番通休常直其局謂材

技長上猶今武職稱平詰也錄蓋簪

澹泊曰通鑑唐文宗紀茶綱役人蕭洪詐稱蕭太后

弟是雖與此間所謂稱役人不同而其義則有所關涉

湖亭涉筆不列朝班者總曰家人按天慶以來源平二氏世奉

閭職奔命東西諸國武士隸于其麾下者呼為家人

源平家人略似唐藩鎮牙兵然彼聚蓋謂私屬也在麾下此散處於各土則有不同耳

鳥羽之禁之是已與今之家人不同誓之經史自有

數義詩云宜其家人謂一家之人也史稱廢為家人

王名者言 卷之上 十一 李嶽

猶曰庶人也、又有謂人家為家人者、左哀四年傳、入於家人而卒、止凡義曰、言入于皆與吾邦、所謂家人異義、但唐宗文曰、家人、有似指家僕者、邦俗或据之也、

今藩國臣、總曰家來、殊不成義、余嘗見武田信玄與人書、中有家賴高阪彈正之語、賴字較可、徂徠曰、宜用家、隸、南留別志按左定十年傳云、敢以家隸煩執事、盖本于此、

中葉以來、名家諸大夫、天朝公卿、有攝家清華名家也、與汎曰、補關白家司別當者、謂之家禮、見職原、或名家者、異補關白家司別當者、謂之家禮、見職原、或引花鳥餘情曰、家禮、言子敬父也、故雖他人、准子致

禮者、呼為家禮、史記高祖五日一朝太公、如家人父子禮、家禮字盖出于此、以今觀之、禮一轉為賴、又轉為來、愈轉愈遠、若強解之、賴者倚賴之義、來者來歸之意歟、要之應仁以來、戰國割據之世、之辭、不足深辨焉、

六位朝服曰布衣、盖布狩衣略語也、布狩衣名、或曰、見裝束鈔、或曰、山科古製用布、後轉用絹、今製則濫也、江都人士、連諸大夫、呼之、正如爵名、按六位法服、葱白袍也、布衣者、常服也、故雖藩臣、亦有著之者、當初號令辭云、諸大夫六位、面面、然則當時真叙位、大禮著葱白袍、後

漢獻帝時
曹操封魏
公從此魏
臣稱漢為
天朝據此
則方今事
體公武對
稱宜斥天
皇家曰天

來不叙位而准之、因朝服著布衣、大禮借葱白歟、
蘭林曰、稱士庶人不仕者為布衣、就服言也、監鐵論
云、古者庶人菴老而後衣絲、其餘則麻枲而已、故命
曰布衣、是也、錄學山

江都布衣、皆一官長也、其品視天朝六位、

天朝名稱六位曰侍、五位曰諸大夫、雖叙四位未聽

昇殿者、猶呼為諸大夫、又本無堂上地下之別、地字於下

義不通、朝鮮官品有堂上堂下之名、此可法也、但賜昇殿、則謂之堂上、其家

累世不聽昇殿者、謂之地、下諸大夫、所謂侍者、禁中

灑口、院內北面、北面有上下、北面四位、侍職也、東

宮帶刀等、是也、

中葉以來、武弁出身曰武家、朝紳曰公家、禮云、公家

此汎指上詞也、或曰、本邦曰公家、本邦呼朝紳為公家、與武家對、則全失意義、

蓋時世之變也、但徠曰公家曰職、武家曰役、漢土亦

有此別、蓋職者官人之所掌、而役者吏之所司也、

江都所謂役者、天朝職也、所謂席者、位也、所謂

格者、爵也、本朝實無爵制、然如曰公、曰卿、曰殿上

人、曰諸大夫、曰侍、當准之也、

本朝所謂位者、唐朝品也、東涯曰、本朝之制、親王

稱品、凡四階、諸王諸臣稱位、凡三十階、官曰任、位曰

叙令義解云、品位也、親王稱品者、別於諸王、又曰、親王四階、一品至四品、諸王十四階、正一位至從五位下、諸臣三十階、正一位至少初位下、凡四十八階也、
制度

近世諸侯、始叙從五位下、稱之諸大夫、旋進從四位下、則稱四品、而任侍從、遷少將、轉中將、率不過此五等、武鑑所記、從五位下曰朝散大夫、文士所擬、從四位下曰中大夫、竝以唐文散官視之者也、若夫尾紀陞大中納言、水戶及加賀、至參議中納言、則自餘所無也、

三家及加賀、世陞三位以上、故其老許叙從五位下、或六七人、或四五人、亦有定制、猶三代諸侯之卿、命於天子者矣、

禮王制、天子三公九卿二十七大夫八十一元士、正義以為夏制、月令曰、立春日、天子帥三公九卿諸侯大夫、迎春于東郊、書周官、六卿分職、各率其屬、以倡九牧、併而觀之、三代天子之卿、其爵雖與侯等、位在其上、而曰諸侯、則包伯子男之詞也、本朝之制、太政左右大臣為公、大中納言參議為卿、而今假稱曰諸侯者、三位至五位、以准五六七命、則與三代爵品

略當焉

三代曰諸侯秦漢曰列侯其名雖類矣其實不同蓋
封建郡縣制度本異也而秦與漢侯位亦有崇卑焉
按始皇本紀琅琊臺碑文列侯王離王賁倫侯趙亥
馮毋擇列于丞相隗林王綰上索隱曰淪類也亦列
侯之類爵卑於列侯無封邑者然則倫侯即關內侯
也續志列侯所食縣為國黃瓊曰列侯以戶邑為制不以里數為限本注
曰功大者食縣小者食鄉亭得臣所食吏民舊列侯
奉朝請在長安者位次三公中興以來唯以功德賜
位特進者次車騎將軍胡廣漢制度曰功德優盛朝廷所敬畏者賜位特進在三

公下不在志又曰關內侯賜爵十九等無土寄食在車騎下

所縣民租多少各有戶數為限荀綽國未平時將帥家

皆在關中故以為號見玉海可併考

職原叙五位曰叙爵今人或作位字看謬矣若然則
六位亦可言也愚按唐爵九等王至縣男王視正一
一品賜食邑一萬戶縣男視從五品賜三百戶本
朝之制叙從五位下始賜位田八町是其名義之所
據歟又任國守曰受領旁注曰受王命管領國事之
義也

萬石以下叙爵者亦稱諸大夫大體如周官大夫其

他大國如侯伯小藩如子男皆自收賦稅貢獻助役
有常制若夫推恩子弟分地受爵者宗國呼之為分
家或末家文士稱之曰子侯若支侯略似周時附庸
而得自通大君則異耳先輩或以麾下諸大夫擬
關內侯蓋以其無國邑而家關中之相似也然較其
品崇卑殊絕豈可得而比準焉哉凡秦漢功臣爵尊
而祿薄今之武家封豐而位卑則事體自有不同矣
方今歸命譜第凡萬石以上總呼為諸侯者蓋主封
制而假稱之也其正名則依舊曰守其中名義不乖
者亦亡幾焉如對馬土佐等守可謂正當矣其他如

加賀薩摩并三國而稱一國守如陸奧讚岐分食其
中而稱其國守猶是可言或受封于肥而稱守於越
或稱守於相而有土于因羅山示諭曰今之諸侯或
有身不居其地而稱其國
守者是乃封號而非實封也如越後者新田領地而
高師泰稱越後守播磨者赤松封邑而高師冬任播
磨守此或假百司官名以為其稱或萬石以下稱國
類尤多
守名稱相冒者比比焉略似曹魏名號侯魏賞功六
等名號侯
爵十八級關中侯十七級關外侯十六級五大夫十
五級與舊列侯關內侯凡六等魏志建安二十年置
以賞軍功今之虛封雜亂無章載之簡牘則錯認事
自此始見小學紺珠雜亂無章載之簡牘則錯認事
體者不尠矣故先輩或主封制分為二等曰某國侯
曰某土侯皆不得已也重天朝官制則得不依

正名者言
卷之二
十一
秦漢官制

正名乎、蓋隨文體裁、互用之為可、如欲以一定法括之、則塞矣、要之封建之制、郡縣之名、今時體為然、不可不知也、

某國侯周例也、

周之國名即氏也、與本朝國名若

知也、左傳、眾仲曰、天子建德、因生以賜姓、昨之土而命之氏、杜注曰、立有德、以為諸侯、謂若陳為媯姓、命氏曰陳、正義云、諸侯之氏、則國名是也、可以見矣、某土侯漢例也、又有稱曰

某氏侯者、是與唐宗之時、稱刺史或節度使為侯者同例、但彼則郡縣之制、而假封建之稱、此則封建之制、郡縣之名、而假侯號、為有異耳、斯書法亦隨體有彼當焉、

唐貞觀十一年、太宗以周封子弟八百餘年、秦罷諸侯二世而滅、呂后欲危劉氏、終賴宗室護安、封建親賢、當是子孫長久之道、乃定制、以子弟荊州都督吳王恪等二十二人、又以功臣司空趙州刺史長孫無忌等十四人、竝為世襲刺史、禮部侍郎李百藥奏論、駁世封事、魏徵褚遂良亦有異議、事遂弗行、見貞觀政要、愚竊以謂太宗之議封建、唯曰世襲刺史、則非復三代之名矣、蓋封制爵號竝復古也、雖彼土猶似有難者、而况吾邦乎、又意太宗之制果行、與方今事體酷肖、吾將取准焉、惜哉魏褚之輩沮之也、

大名稱某國守者文士用唐名曰某州刺史或太守
東涯曰中華古者州下有郡郡下有縣觀後漢志可見唐以來州郡並稱隸于各道既曰雍州又曰京兆郡是也故中國設官州郡異稱郡則稱大守州則稱刺史故紀傳中未有稱某州大守者吾國以州統郡乃倣古制若用皆恐不可若不拘封制也直稱本唐名當曰刺史皆恐不可若不拘封制也直稱本
 朝官名而足矣猶何假名於異邦之為况如彼太守稱於郡而不稱于州東涯嘗疑後漢書中有曰益州太守者檢郡國志知其為益州郡云余亦疑綱目唐紀有曰播州大守者閱實知其為播州郡按地理志益州郡漢武元封二年開屬益州故滇王國播州亦故夜郎地而皆邊郡也故我雖改州為郡刺史為太守直因舊名而加郡字耳我朝太守親王特稱之者乎蓋未深攷也
 本朝官制諸國單曰守唯上野上總常陸三國例以

親王為守

或曰三國守以親王為之亦效唐制

因加大字以別于諸臣

而太守不之國坐收職田賦稅俾介司國事故此三國任介為受領詳于職原

蘭林曰皇子稱親王起于北朝隋書禮儀志用齊朝

有親王稱百官志云皇伯叔昆弟皇子為親王又唐

書百官志皇兄弟皇子皆封國為親王親王之承嫡

者為嗣王此隨周隋制也本朝稱皇子為親王本

此皇繼嗣令云凡皇兄弟皆為親王是也但唐從漢魏制天子姊為長

公主女為公主然則皇女為內親王本朝所創也

學山錄

東涯曰官爵勲階古今沿革不一周自有周官漢自有漢官吾先王建官設職三公八省一臺六府統治內外世遵成憲莫之敢更而國人文字中記國人事實或厭官名不類漢其趨遷履歷多以漢官代之令人迷錯罔所考證漢人見之必謂本國故用漢官豈實錄哉官制建置各國皆異且或古貴而今賤或古無而今有國家之於漢亦然不可槩而代之也刊謬正俗本朝之古制與西土之郡縣同而日本紀有國造縣主之名比至中葉職員令有國守郡領之目徂徠曰邦言所謂孤暱者郡也摸之方音轉暱舊事記所載

國名百四十有四何太多也是其為郡斷可見矣後之博士嫌其名之似小易以國字而不知填州字之為正當矣漢人見之以為未嘗統一者獨為國字所誤焉南留別志夫郡縣之世無國名也不待老生而知之矣而當時博士學術之疎誤用一成難復改焉豈不遺憾哉又按國造之名自神武時有之而諸國置造則昉于成務矣東涯曰後又置國司不詳其始焉而仁德紀載遠江國司上表事爾來國史多連稱國司國造及文武定令而國守名見焉國守即國司也但於從前帝紀未認得耳然

孝德朝既置郡大少領則其有守名可知已制度通

鑣倉氏興國補守護莊園置地頭從茲朝紳任外者

曰國司武人受領者曰國守蓋依古名而別其稱呼

也其或槩守介掾目稱國司者亦猶郡司之稱包大

少領主政主帳也

徂徠曰上古草昧之世新辟荆棘者祠而祀之為其

國一宮而以其子若孫為國造使司其神祭兼行國

政邦言政為祭事職此之由比至中葉內設八省百官外置守介

掾目以責吏治則國造不復與政務特奉祭祀已而

為所謂神主矣神主字見毛詩此言廟令有以國造補郡司事

則似為光榮今人或認國造之稱以謂尊貴之人者

非也唯其門胃之古耳南留別志按出雲大官司出雲大社尾張

熱田肥後阿蘇等大神司世稱曰三神主今猶呼為國造蓋古之遺名也

應仁割據之餘封建勢成不可復更焉今代諸侯有

國者曰國主國主見五代史有城邑者曰城主城主見南史無城

曰領主凡三等若其告辭國主曰歸國在國城主領

主竝曰歸邑在邑此其差也

東西諸侯入江都謂之參府留一年而給暇在藩一

年而又往謂之參勤交替若江都近地則半年交替亦猶周之述

職而在府日長矣

諸侯衙參謂之登城澹泊 烈祖成績直用登城字
恐不通左氏傳曰昭十年城下之人伍列登城杜注為
部伍登城備姦也通鑑梁紀命大開門緩服登城遣
精銳出戰破之其他歷史往往見登城字皆屬有警
殊非衣冠常參之詞矣東涯萱野三平傳用衙參字
此可法也

宮城正衙為紫宸殿是言 皇居也郡守亦有衙
內之稱可見衙字通用上下蓋牙門一轉作衙門遂
謂公堂為衙也

蘭林曰參讀末乙兒作諧義用本自朝參來通鑑陳

文帝永元三年北齊高歸彥至明欲參胡三省注參

朝參也毛晃曰參造也趨承也國人用參一字蓋本

于此講習餘筆

今代封建之制如無條例者而其中自有節焉蓋一

萬石至二萬九千石為一等而三萬石以上不滿三

萬石不滿五萬為一等不滿十萬石以上不滿凡四

等其位次分五等曰松間一曰大曰柳間竝殿中正

廳名也曰帝鑑間曰雁間曰菊間竝偏廳名也所謂

外樣中或封土大或門地高而稱國主准國主者及

宗室小侯表著松間或封土小或門地卑者柳間也

帝鑑及雁間、所謂譜第中、分門地高下、不必拘封土大小、而菊間則小侯也、其他有芙蓉、棣棠、躑躅、桔梗等名、竝是小廳、而有司直所也、若夫三家及加賀越前、則各別有燕間云、

正賀朝服、亦分五等、蓋侍從以上烏帽直垂、四品狩

衣、諸大夫布直垂、俗曰諸物頭布狩衣、諸士素

襖、此其差也、

方今稱國王者二十、稱准國王者三、而萬石以上、凡二百六十四人云、余竊以為公其名、而其實王者、今之江都也、其實侯、而守其名者、今之列國也、近世操

觚家、或有公稱江都、而列國稱侯者、按周爵九命、侯

則居七、而公居八、豈隔一命、而分君臣乎、弗思之甚、

若夫事係乎天朝、江都稱公、則列國宜稱守是

謂事體相當矣、

慶長以來、朝鮮來聘、國書贈答之式、稱我曰日本國

王、殿下、禮曹稱執政、曰日本國執政、某公閣下、稱彼

曰朝鮮國王、殿下、執政稱禮曹、曰朝鮮國禮曹參判

某公閣下、寬永乙亥、改稱日本大君、殿下、其癸未、及

明曆乙未、天和壬戌、竝同前、正德辛卯、又稱國王、享

保己亥、又稱大君、爾後不復改焉、

東涯曰杜氏通典梁制諸王言曰今境內稱之曰殿
 下公侯言曰教境內稱之曰第下此餘亦有閣下幕
 下臺下邨下之稱臨文之間可隨宜用之亦正名之
 意歟又曰殿下吾國專係關白之稱朝鮮國以稱其
 國王刊謬正俗

唐初太子令秦齊王教與詔勅並行見通鑑此與梁
 制有小異焉本朝效唐制東宮曰令但觀盛衰記
 云源賴朝奉高倉宮令旨舉兵則親王亦通曰令也
 鎌倉以來大將軍言曰教域內稱之曰幕下如野史
 云御教書可見已

秦漢以來稱天子曰陛下蔡邕獨斷曰陛下群臣與
 至尊言不敢指天子故呼在陛下者而告之因卑達
 尊之意也及群臣諸士相與言殿下閣下足下侍者
 執事之屬皆此類也

因話錄曰古者三公稱閣而郡守比古諸侯亦稱閣
 故有閣下之稱前輩與大官書多呼執事與足下執
 事則指左右之人尊卑皆可通用又自卑達尊例云
 望前尤非也閣下落殿下一等望前降几前一等豈
 可僭用哉稱呼辨正引之

石林燕語云司馬仲達稱曹操范績稱竟陵王子良

皆曰殿下則自漢以來皆通稱殿下矣至唐初制令
惟皇太后皇后百官上疏稱殿下至今循用之蓋自
唐始也其制設吻者為殿無吻不為殿矣又曰丘雲
與陳伯之書謂臨川王宏為臨川殿也胤曰據之則
殿下之稱始于三國而觀臨川殿之稱則本朝稱
貴人為殿蓋亦有所襲也錄蓋晉

晉蘇峻稱庾亮曰臺下亮時為中書令則位亞三公
也通考前說自漢以來殿下之稱降陛下一等閣下
次之但第下臺下等亦皆稱於公侯則未見落閣下
不知如何差第之且幕下之稱本自幕府來則似起

于漢時而蔡邕不言可疑已又按漢大將軍位視三
公也稱閣於三公則高於幕郡守稱之則卑於幕隋
唐大將軍位次省臺然其品猶高於郡守則幕閣額
頡者如故至若殿下則未嘗有降幕下者本朝室
町以來大將軍每位關白上不復問官爵品階是殿
下反落幕下也時世之變可觀已

王應麟曰自兩漢至北齊大將軍位視三公隋十二
衛大將軍直為武職位省臺之下唐十六衛百官志
左右衛每衛各上將軍各一人從二品大將軍各一
人正三品將軍各三人從三品掌宮禁宿衛玉海按

左氏閔公元年傳晉侯作二軍公將上軍太子申生
 將下軍史記楚世家齊桓公以兵侵楚至陘山楚成
 王使將軍屈完以兵禦之將軍之名蓋起于此際其
 後若范蠡白起稱上將軍廉頗李牧稱大將軍及項
 羽上將軍范增大將軍史不絕書然皆一時立號也
 漢初如呂祿稱上將軍亦爾至武帝時拜衛青為大
 將軍從此以來為正官也

清朝之制將軍正一品加級副都統正一品提督總
 兵從一品鎮守總兵正二品總兵從二品副將從二
 品都司正三品參將正三品遊擊正三品守備正三

品千總正五品詳見留青新集按古今武職之階未
 有高於清朝者然江南浙江廣東荊州福建各置將
 軍則威權自分不如漢大將軍一人總轄天下兵馬
 也

職原曰 崇神天皇十年命四道將軍遣四方將
 軍之號正起于此歟其後 景行天皇四十年以

皇子日本武尊為大將軍武日命武彥命為左右將
 軍東征蝦夷爾來征討命將軍不可勝計 聖武
 天皇時陸奧置鎮守府任將軍是 本朝置軍府之

始歟 或曰太宰上奏云云是推古天皇十七年筑紫 若夫征夷征

東等臨時命之。不聞有其府也。又曰：征夷始於日本武尊。至文屋綿丸，有征夷將軍之號。其後阪上田村稱征東將軍。藤原忠文加大征夷之號。久以中絕。方源義仲暫執兵權，拜征夷將軍。東鑑曰：壽永三年正月十日，伊豫守義仲兼征夷大將軍。又大納言大將源賴朝辭兩職東歸，後就拜征夷大將軍。爾後連綿。按崇神十年，即漢武後元元年也。此時未有使介之通於西土，則何以知有將軍之號乎？北畠氏蓋據日本紀立說。然此書至上古名號，則或有屬追修者，不可盡信。以引證大抵本朝文物，自神后征三韓、百濟貢典籍而起矣。則將

軍之號，蓋亦始於時應神以後也。

後小松帝幼踐祚，嘉慶元年春正月，始行冠禮。時年

十一，大將軍源義滿理髮，蓋依漢大將軍霍光輔昭

帝例云：按室町時，天子其門生守護其功臣，而奄有

域內。方是時，唯有伊勢飛騨土佐等國司而已。則事體大異乎漢朝矣。至

豐臣氏，補關白稱殿下。今代初，復拜大將軍稱幕下，

率依室町例。

本朝於天子言陛下，關白言殿下，大將軍言幕下，其

佗未聞有定稱。試依時體擬之，在天朝則關白

親王並稱殿下，左右大臣稱閣下，大中納言參議稱

臺下若江都則依朝鮮書式大君稱殿下執政稱閣下其他稱參政臺下三家第下諸侯邸下至幕下之稱則姑置弗用可歟雖依室町之例究竟幕下卑於殿下蓋曰殿下曰令降天子一等曰幕下曰教落第二等於時體似不當也覽者思焉

明人之志有分記日本天皇日本國王云天皇不與國事世享國王供奉焉所謂國王斥鎌倉室町等歷世幕府也是苟有其實人與之名者歟然在國人則未可遽倣焉

蘭林曰杜氏通典和一名日本在日邊故稱之劉昫

舊唐書日本者和國別種也以其國在日邊故以日本為名或曰和國自惡其名不雅改為日本從此前代史皆唯稱和國據之則稱日本吾邦自名也然本朝記載未聞有言自何時稱日本者獨舍人親王日本紀始譯鷓末為日本其書號亦用之按張守節史記五帝紀正義及夏本紀正義並云武后改和國為日本國意者守節玄宗開元中人違武后世未遠則其說似可信也蓋武后時栗田真人充遣唐使到于彼邦武后賜號日本自茲本朝以日本為國號歟

講習考索精矣然愚意未敢必焉

元元集曰和漢春秋引括地志云和國武皇后改曰日本國在百濟南海際依島而居武皇后即神功皇后也垂錄加文集拾遺附之謬矣括地志文和國句武皇后屬下句即則天武后也西土史稱神后曰和女王未聞有稱和國武皇后者是蓋惡言國號出于異邦牽強為說者也

蘭林曰本朝天子稱天皇蓋依唐高宗麟德五年皇帝稱天皇例也見舊唐書高宗紀但唐則一時稱之而已後不復聞曰本朝世稱天皇貝原氏和事始云此有神武曰神日本盤余彥天皇則天皇之號從此時有

之謬矣意者舍人親王撰日本紀曰假天皇文字填主明樂美御德號耳是取於唐所稱者也其以謚配之者蓋依唐孝謙朝淡海御船奉勅撰定天子謚號見釋日時本于唐稱追稱某天皇也則為後世事可知已餘講習此說確實足据但其曰麟德五年者失考按通鑑高宗紀上元元年八月帝稱天皇后稱天后因推年紀麟德三年改元乾封又三年改總章又三年改咸亨咸亨五年即上元元年也年山紀聞天子謚號條引親永日記所載定後花園院號時中院通秀申詞其略曰謚法起於周遠及日域自神武

以至 文武四十二代是淡海公所製也不知何

据或疑中院氏錯認淡海御船為淡海公因曰至

文武四十二代甲與

東涯曰 仲哀天皇仲字恐從水傍字古帝謚號

無不有意義本据者唯仲字是伯仲之仲不應配謚

冲仲草體相近而誤猶 淳和天皇家史作淳化

天皇耳此亦草體之誤也且古帝謚號摸漢諸帝者

最多漢有冲帝哀帝皆夭折之稱恐据此稱冲哀也

蘭林曰 本朝自古稱某天皇御宇按文心彫龍詔

策篇有皇帝御宇之語又大唐新語載唐武德九年

十一月太宗始躬親政事詔曰有隋御宇政刻刑煩

云云此其所本也學山錄

東涯曰國朝本朝系朝廷之稱本國本邦是通國之

稱不可混而用之其曰本曰國對異世佗邦而言耳

刊謬 正俗

廣輿志斥豐臣氏曰和酋關白 台德大君稱新關

白舉或說云關白猶漢大將軍蓋錯認新將軍當時

台德大君為新將軍蓋神為新關白也按關白字

君辭征夷使大君襲職始見霍光傳歷代之史間亦有之然非職名本朝

始見霍光傳歷代之史間亦有之然非職名本朝

始見霍光傳歷代之史間亦有之然非職名本朝

以為職名，而昭宣公以來世有之，但稱諸異邦曰日本關白者，豐臣氏為始矣。此其誤稱之所由也歟。
韓人略記本朝官制終有云：天皇官制如右。關白總國之後，除拜則出於其手，爵帖謝恩并於皇朝。因舊名而關白授職，如某州守某部官，則天皇所給，而曰某城主，則關白所命，故治在東而稱守於西，身在外而名托於內。日觀要攷所謂關白亦斥大君也，爵帖者位記也。

東涯曰：桓武延曆乙酉歲遣判官高階遠成聘唐，踰年而還，在唐拜中大夫，試太子中允，其告身載

在朝野群載，具有杜佑杜黃裳牛僧孺鄭綱署銜皆顯人也。題云異國賜本朝人位記，唐時除授無位記之名，授遠成者乃其勅式，所謂告身也。在本朝則與位記準，故稱耳。錄盡簪

方今江都之事，稱諸異邦也。曰大君曰國王，竝將無妨焉。而白石則曰：大君，邦人或斥天子，朝鮮即稱王孫，是重乎我，則嫌於冒天子，輕乎彼，則疑於准王孫，故不如稱王之愈也。曰天皇曰國王，尊卑顯然，亦猶有周王甲而有周公中，何不可之有。殊事此特就朝鮮書式論，則亦似有理焉。抑於本邦紀事，定用何稱，關儒

率冒尊稱而擬

皇家洛儒則貶之比乎霸府共

不得正矣夫有海內臣諸侯者謂之霸可乎然非

皇朝所許也亦不應私稱王則吾惑焉竊又意文唯

示邦人乎國字而足矣苟學漢土文者本欲達諸異

域也則稱王號耶大君耶必有一乎此顧者大君則

婉而王號則直也事或關係

天朝對言不可苟

焉則吾從其婉者矣

關儒如稱

神君

出神君字

神祖疑乎

神武至

歷世大君稱台廟猷祖憲宗等則全似天子吾不知

其可餘外名稱有列國不妨而反嫌於江都者蓋其

地迫則有僭擬之嫌而其位隔則無疑似之妨如所

謂大祖烈祖等類例尚多矣毛詩有南仲大祖之語

則不必天子之祖禮疏云大寢天子始祖之寢諸侯

大祖之寢亦可以見矣其他諸侯稱其始封之君為

顯祖為烈祖著明乎尚書左傳等此其所以無妨於

列國也秦漢以後無復諸侯故祖宗必天子而稱之

此其所江都反有嫌也

春秋時天子諸侯通稱者多矣就中如曰齊東宮得

臣曰衛太子蒯聩可見諸侯世子得通稱東宮太子

也然在本朝唯天子曰東宮曰太子而春宮大夫

以下總曰坊官則東宮太子立坊儲邸等字弗可他
用焉要之於江都則須擇降天子一等文字而用之
矣至天子諸侯通稱者則反宜取舍而避嫌疑也
皇子曰若宮大君世子曰若君蘭林曰本朝自古
以若字為釋弱之訓用之古事記萬葉集等古書往
往有心蓋以弱若音同假借耳但本朝古訓文字
未有無據者也然證諸中華古書唯賈誼新書匈奴
篇有猶若子之選慈母之語是以弱子為若子者歟
又小補韻會若字下云馬韻爾者切一曰今人謂弱
為若正字通字典此等可以為證也意者本朝以
等不之言耳

弱字有弱劣之義避之換以若字歟學山錄

周禮天宮內宰以陰禮教六宮注鄭司農云婦人稱
寢曰宮后象玉立六宮而居之亦正寢一燕寢五教
者不敢斥言之若今稱皇后為中宮矣職原載太皇
太后宮皇太后宮皇后宮謂之三宮同漢唐制又有中宮
並置大夫亮進屬等職親房論曰中宮即皇后也
本朝並置二宮甚無謂也然光仁以來代代並
置旁注曰昔者三宮總名曰中宮至光仁時獨
稱皇太后宮為中宮桓武即位初置中宮越三
年又立皇后仍今號四宮也源公論可謂至當矣
後代依之白石曰本朝清和五代十以前無幼主即位例故

卷之十一
九
泰貞館藏

天子踐祚初皆尊稱儲時妃為皇后若乃即位後歷
 年始立后者皆是幼主繼位待元服後行禮例也然
 則夫人女御中或生子或承寵仍為后也又曰後宮
 職員令文武朝淡海所載妃二員四位夫人三員四位嬪
 四員五位皆正后外御妻也其餘內侍司以下皆官
 人也當時未聞有女御更衣稱天安二年清和
 踐祚初加文德女御從三位藤原古子從一位
 見三代實錄然則此時既有女御稱也源氏物語又
 有女御更衣御息所言東等稱此書成于一條
六代十御世盖此間悉改古之妃嬪夫人等職名為女

御更衣也自此以來女官事世多以禁秘代八十五

順德院為據夫女官名稱異古如此亦是皇家

權移于攝關出於朝儀百廢之日則實衰世之典也

又曰以大臣女為女御納言女為更衣例也然則當

時女御多納大臣有權勢者女為之故尊之如正后

物盛必衰攝關權勢一變為院中之政再變武人知

天下則攝家衰極故納女亦弗克如故備禮是其所

以女御代之興也凡曰某代者皆係叔世之稱焉又

近代例多不冊女御為中宮直賜准后宣旨耳是其

初非女御而女御代也故亦准中宮為准后也與雜

曲禮曰天子之妃

注妃配也

曰后諸侯曰夫人大夫曰孺

人又曰天子有后有夫人有世婦有嬪月令曰后妃

帥九嬪御本朝後宮妃嬪夫人等皆襲古名也後

來名稱毋論女御更衣御息所佗如親王攝關妻曰

北政所大臣曰御臺所納言曰簾中

西土之例幼主踐祚大后垂簾

聽政謂之類皆不入文字依時體擬之視古取准

在天朝則稱女御曰妃更衣曰夫人太子親王

配竝亦稱妃公卿稱夫人諸大夫稱孺人若江都則

大君稱妃諸侯夫人麾下諸大夫孺人庶乎其可歟

東涯曰封建之時臣各有主郡縣之世統乎一尊詞

令之間用各有異須消息而用焉故今日之稱呼當

用春秋十二國時之例如都字後世專稱天子之所

居然春秋之時國各稱都雖下邑有窟則稱如此類

可見世變融釋存乎人不可一口悉刊謬正俗此論和

平可嘉然春秋稱呼亦弗可鑿用于今也其說散見

前後

括囊曰留守文信近世文人指江戶稱東都或江都

又指平安稱西都或西京西是對東之詞如兩分天

下者甚無謂也恭惟霸府世尊王室至矣每嗣立之

際必俟將軍宣下而後位定焉君臣名分之義確乎

兩伯陽曰
文官奉命
東藩者當
言天使今
言勅使若
非也勅使
即官官也

不可按也夫如是然儒者反亂之豈不怪哉甚者如
大宰純稱天子曰山城天皇勅使曰聘使記云諸侯
使大夫問於諸侯曰聘其意盖比漢代諸侯王耶悖
逆之罪不容死矣鳩巢義人錄亦謬稱勅使為聘使
東涯作萱野三平傳稱天使或稱勅使得名分之正
矣辨稱正余謂括囊之論正則正矣但有未免拘泥者
也按周時天子諸侯通稱都然曰京則周都而以東
西呼者亦係乎天子可見京名本重於都而東西之
稱自無于諸侯後來郡縣之世或曰都或曰京亦繫
東西南北本朝振古不建諸侯故獨天子曰都

倉以來雖時勢大變猶是稱府而不曰都即今代亦
爾享保中一二關儒張大其名謂江戶為東都而平
安為西京其意盖以為都輕於京耶然東西對稱則
嫌乎天子括囊駁之當矣其或稱江都者猶漢土地
各江都陽都之類自無妨焉按漢書注江都陽都皆
縣名也獨若隋煬改揚州府為江都則升為別都也
然非如東西對稱者之為嫌矣且也國俗本以語為
主假用漢字古之典也試以漢字填邦言江戶江都
皆當讀謁獨如菟道宇治寧樂奈良之類何定譯之
有况今江戶之盛大域內固以匹馬而堪與明清南

正名錄
卷之十一
三十一
卷之十一

三十一
卷之十一
三十一
卷之十一

北京駢肩也。謂之江都不亦善乎。山城天皇之稱母論妄撰。而其曰聘使者不可深尤焉。春秋隱公七年經冬天王使凡伯來聘。可見天子之於諸侯亦曰聘使。二先蓋據之也。然審度時體則不若稱天使之允當矣。春秋之例弗可槩用者率此類也。

白石曰謹按舊事記古事記日本紀等所見國郡名其字不同蓋隨記者意而書之也。元明天皇和

銅六年五月詔使畿內七道諸國郡鄉名著好字。日本

國記載和銅六年撰諸國風土記事即是也從此文字一定如舊事記所見

凡河內國珠流河國自元明御世記河內國駿

河國是也。蓋欲傳諸天下後世而無訛議耳。主而
 有此叡慮故百世之下猶如其御世文字一定雖外
 國記而傳之所以知其為日本郡國名者顧不美
 乎。又曰本朝國郡名雖既有一定文字不可必拘
 歟。何者我朝國號曰鷗末篤然自古所記傳各不同
 山迹山戶山止和大和養德大和日木大日本之
 類皆是正史所見也。是我國總稱則豈可無一定文
 字哉。乃猶所記不同如此。至天子御諱則最重似必
 當有一定文字然神武御諱古事記作神和伊
 波禮毗古命舊事記日本紀並作神日本磐余彥尊

又天武御諱日本紀作飛鳥淨見原天皇萬葉集作明日香清見原天皇此等皆正史奉勅所撰乃猶不同又如此蓋古之時假用異邦文字者唯為記本邦事實耳而其所尚在辭不在文字故自帝王御諱國郡等名以至萬事文字如一定者而不一采彼用此皆將譯邦言傳諸世也今不會得此義徒泥文字則其中必有不通者矣若夫詩賦文章類其制盡倣異朝體則其所用文字固弗得異乎彼也嗟峨弘仁中新造大內裡伊福部氏所造門曰伊福門壬生氏所造曰壬生門佐伯氏所造曰佐伯門丹治氏

所造曰丹治門後更撰文字改伊福門曰殷富門壬生門曰美福門佐伯門曰藻壁門丹治門曰達智門之類亦是應依國郡名著好字例也夫如是故記之國史著之詩賦文章雖以傳於外國信不愧焉若乃近世地名職名及殿門等名豈可著之詩賦文章哉又豈可記之國史以傳於外國哉是文章日衰之所致而遺朝異朝有志乎文字者尤所慨歎也雜著秦漢以來天子宸居曰殿本朝亦倣之所謂太極紫宸清涼弘徽等名皆有所襲也初學記曰歷代殿名或泐或革惟魏太極自晉以降正殿皆名其他前

漢後魏有清涼隋有弘徽唐後周宋有紫宸並見玉
海又漢唐有披香殿 本朝中宮披香舍蓋亦本于
此

漢書東海王疆傳初魯恭王好宮室起靈光殿云云
可知殿名通諸侯王又黃霸傳有孝子貞婦者先上
殿注師古曰殿者丞相所坐屋也古者屋之高巖通
呼為殿不必宮中也據此則 本朝鑪倉以來稱正
衙曰殿亦不為僭也

管公謫居侏有都府樓唯看瓦色甲按職原大宰府
准唐都督府因有都府之稱與又按唐中葉置節度

府謂之都府其其今之藩國當比漢侯國矣不應依周列國各稱都例
也漢惟諸侯王國稱都佗侯國則否小國主之臣有自國稱朝謂江都為大朝者甲按五代周
時南唐去帝號稱國主因謂周為大朝蓋據此例也
或曰若依郡縣之名則江府猶不當稱朝况諸國乎
蓋泥矣漢既有郡朝之名唐又有府朝之稱也則府
國皆不妨直不容稱朝廷耳春秋時列國亦稱朝廷
然於今則不得不依漢唐之例也

周諸侯其臣有卿大夫士漢列侯有相家丞門大夫

庶子本邦大名封土則似周列國而實無五等命爵
 唯有國守侍從少將中將等官銜耳故自人稱侯不
 妨自署則不可自人稱侯者主封制而假稱之也自署官銜者重天朝命官也二義並行
 而不可矧除三家加賀外其老無官位則卿大夫等名
 不可妄假稱焉先輩或有以大藩之老萬石以上者
 視卿番頭千石以上者視上大夫物頭視下大夫百
 石以上視上中下士小藩則其老視大夫而番頭以
 下類推降殺者快則快矣然實不顧名義者也按王
 制曰大國三卿皆命於天子次國三卿二卿命於天
 子一卿命於其君小國二卿皆命於其君正義以為

夏制今三家加賀其老受天朝官者有定數其
 佗雖大藩皆命於其君也與夏制小國之卿相似焉
 抑卿名實重矣乃至大夫則雖大國無命於天子者
 而漢侯國門大夫亦在丞下併而觀之其稱差輕矣
 然則今大藩之老大夫猶可言稱卿決不可若夫小
 藩則其老擬門大夫庶乎其可歟
 東涯曰朝廷官以品階定尊卑其餘以祿秩多寡而
 差貴賤如漢官自萬石至百石分二十等以此定資
 碑銘行狀中當具其加給減削之數以明事實今人
 動變其稱謂欲類漢稱大不然司馬遷班固之紀漢

正名緒言 卷之上 龜山田章書

事豈借稱于三代春秋之世而雅其文也哉正刊謬俗
國典有公卿殿上人月卿雲客上達部君達等名稱
師說曰蓋三位以上或雖四位五位官人便賜昇殿
常參禁中者稱之殿上人所謂雲客即是近衛大將
權大中納言宰相中將三位中將春宮大夫及權大
夫侍從宰相等稱之上達部頭辨言藏人頭頭中將
權中將四位少將藏人辨言藏人兼藏人少納言春
宮亮藏人兵衛佐等稱之君達所謂月卿則公卿之
卿也職原又稱中院閑院花山三家後分為七家為華族
公達蓋謂可進公位之家也

向之益謙卿

門人 佐倉 今井謙方子員 同校

吉見賴寬伯恭

正名緒言卷之上 龜山田章書

正名緒言卷下

岡山 菱賓大觀著

足利執事本准鎌倉執權

執事見左傳汎稱也此為職名蘭林曰晉書長沙王

執權於各鎌倉此如高師直即是尊氏使次子基氏開

府鎌倉管領關東管領字見北史此為職名基氏請上杉憲顯為

其執事至鹿苑公改執事為管領以斯波義將補之

後來關東之士稱基氏子孫曰公方上杉呼管領不

復從室町之令所謂關東公方八州管領是也按職

原稱藏人頭為管領執事院廳職名也足利氏蓋取

諸此

室町之世細川畠山斯波迭補管領謂之三管山名
一色京極赤松與參政府謂之四職蓋擬
五攝家七清華云
天朝

大老之名大老字起于豐臣氏今代初有執事為御

後有大老並如鎌倉執權室町管領但不常置之

執事慶長中井伊侯兵部少輔直政始補之天和中罷不復

置大老寬永中始置之貞享中堀田侯筑前守卒遂

罷之近世又希有補之者其他如探題松平下總輔

佐松平肥後一二聞之竝知大政者猶宋平章軍國

重事若夫老中則常置之知印押判奏記庶政亦猶

但參政內
外事無不
參預今若
年寄不勾
當諸候事
是其異也

執政見左
傳似亦可
用但後世
謂平章事
為宰相以
參知政事
為執政則
未穩耳

平章政事又有麾下執事猶參知政事今日若年寄
三家之老俗呼為御附者略似漢諸侯王傅相安藤
直次為紀侯傳亦猶周昌為趙王相但彼有遷除而
此無也已

諸侯曰國大夫曰家方今國主城主假稱曰侯則呼

其老為家老者不當家老見國語與檀弓所故先輩

或稱以國老然嫌於後世稱天子宰相明大為國老

則不若稱某國執政之穩當也其他番頭通鑑唐紀

中更命長從宿衛為驍騎其法十人為火五火物頭
為團皆有首長又擇材勇者為番頭習弩射

等名皆佳但本朝上古謂材官為物部即今所謂

武士也然則指揮番士者為番頭當矣主使駛卒者為物頭則不當也

江都執政管轄國用者俗呼為御主役亦猶唐宰相領度支先輩稱之計相按漢張蒼傳高祖六年為計相後更以列候主計蒼自秦時為柱下御史明習天下圖書計籍令以列候居相府領郡國上計者蓋據之天朝官名主計頭亦襲此名也

或曰凡官有正名有名號有稱呼稱呼如皇朝百官相呼以唐名蓋正名參議名號宰相呼為相公類也自署必用正名而稱人之間或用名號或用稱

呼和漢同例今如自署曰某宰相則誤矣言皆前職原參議非正官然而除目任之例也唐名諫議大夫一本有同宰相三字其准諫議固非也呼為宰相

若相公亦不正當當准參議朝政若參知政事凡是等類唐亦不以為正官故不載百官志蓋秦漢稱宰相者三公也秦及漢初無三公官丞相太尉御史大夫

省太尉置大夫為大司徒大司空定為三公後漢以來三公備員事歸臺閣故稱時執政為宰相若唐時尚書中書門下三省長官令僕侍中等竝稱曰宰相如參

議朝政參知政事亦稱宰相若依此例大納言准唐侍中

中務卿准中書令當先稱宰相但本朝三公執政依舊

也稱大臣為宰相此乃正當矣

宋朝平章事樞密使唐末以來用士人為樞密使五文

武柄參知政事樞密副使佐之時稱平章事為宰相

餘則竝稱執政事體自異乎唐矣此間簡牘往往有

宰執字蓋斥之也又或呼參知政事為參政

靜寄餘筆 皇朝官名有內大臣已千二百年矣

近世西土亦有之其國言曰多爾昂邦實按國姓爺

武衛其所職有不同又稱通政司為大納言皆前代

未聞有此官稱

王士禎曰本朝官制滿州勳舊別有內大臣不為閣

部院官及八旗都統等官有軍國重事在禁中與滿

州大學士尚書等雜議謂之黑白昂邦按唐制兩樞

密使左右中尉稱內大臣然彼乃中貴實異而名同

耳池北偶談唐詩紀事亦載唐末兩樞密左右中尉稱內

大臣事甲据此等則非昉于清朝但唐末內大臣者稱

呼也在清朝則為正名矣可知不惟實異而名亦有

差別焉抑內大臣各究竟不似士官而與秦中丞相

南漢內大師相類也唐末稱呼實可謂當矣又按留

青集清朝通政司各稱既使稱呼大納言云然則與
本朝官名亦有差別焉爾

嵯峨天皇弘仁中始置藏人所職原云摸異朝侍中
內侍等職歟非也藏人職如漢郎中頭如郎中令其
掌宣傳則似矣然侍中內侍名不准當也旁注又曰
藏人如武家小姓頭如小姓頭近習職也接近習字
始見尚書韓非亦有昵近習親之語後世所謂昵近
近習蓋本諸此

東涯曰晉書東海王越傳給温信五十人別封東海
在食六縣孟觀傳以觀為黃門侍郎特給親信四十

人温信親信俱親近職名

蓋簪錄

小姓有以職言者當准温信親信有以爵言者當視
秦公士上造文人或用扈從字於古文無妨然唐以
來必天子而稱扈從則有小嫌矣不如避之也

諸侯儒官稱文學或侍讀按六典唐親王府有侍讀
無定員文學二人掌讎技典籍侍從文章蓋据之或
曰侍讀雖無尊意定稱于天子故後來避之東宮及
諸王府竝稱伴讀宜用此稱

後漢世祖時以議郎侍講禁中謂之講郎後魏置侍
讀梁庾黔婁侍太子讀陳胡越侍東宮讀唐太宗時

正名詞言 卷之七 五 藝學館藏
晉王府有侍讀及為太子亦置焉高宗為太子崇賢館學士馬嘉運侍講宮中玄宗開元三年左散騎常侍懷素右散騎常侍無量竝充侍讀十三年改麗正修書院為集賢殿書院置侍讀學士侍講學士又以都常亨郭光潘元祥為太子諸王侍讀宋太宗太平興國四年楊可法為皇子侍讀八年三月邢昺為諸王府侍講真宗咸平元年始令諸王府記室翊善侍讀等兼南北宅教授是年十一月賜南宮伴讀孝文益緋不知始於何時二年七月以楊徽之夏俟嶠為翰林侍讀學士邢昺為侍讀學士先是侍讀侍講名

秩未崇真宗首置此職班次翰林學士設直廬於秘閣侍讀更直侍講長上四年九月劉士元為南宮伴讀祥符九年供奉官楊懷玉為壽春郡王伴讀仁宗慶曆五年太宗正司請置翊善記室侍講嘉祐六年英宗知宗正寺諸王宮侍講王獮為宗正寺伴讀七年八月立為皇子李受為皇子伴讀王獮為說書八年淮陽郡王府置翊善記室侍講各一人神宗元豐三年改諸王宮侍講為講書哲宗元祐八年置諸王說書二員徽宗崇寧四年改教授為博士政和七年改諸王府侍讀侍講為贊讀直講孝宗乾道元年建

儲左庶子兼侍讀則知柔左諭德兼侍講則大猷竝見玉海通攷之侍講名昉于東漢侍讀稱起于後魏至唐始為正官而太子諸王府竝置之宋初亦然後改諸王府讀為伴讀為教授為贊讀改侍講為說書為講書為直講而東宮獨依舊名耳据此則除侍講侍讀外江都列國皆當通用但直講及博士天朝有正官則避之可又按本朝古制諸國亦置博士也今假用此名當無妨與

江都儒官所謂奧詒者或稱直學士按唐弘文館屬省集賢殿皆置學士凡五品以上為學士六品

以下為直學士蓋據之然不允當宋承唐制置侍讀學士侍講學士又有崇政殿說書按仁宗時侍講學士孫奭年老請外因薦某某等自代遂置職同侍講而其品差下所謂奧詒或當准之

秦漢以來有博士官自魏置學士而博士名卑唐立六學屬于國子監在 本朝則大學寮之任也六典

所載祭酒一人從三品一人司業二人從七品一人錄事一人從九品一人國子博士各二人正五品上大學博士三人從六品上國子博士各二人正五品上國子博士各一人從八品上國子博士各一人從八品下

數一人從九品上書學博士二人從九品下國子學四門館竝有直講四人

博士五品者唯國子與五經耳若夫學士則無定品皆以他官兼之集賢書院每以宰相為學士者知院事翰林學士有內相之號其尊可知已

唐國子監為五監之一故名秩頗崇本朝大學寮

屬于式部省故官品較下職原大學頭一人相當從

酒助正六位下唐名國子司業允大少唐名國子丞

屬大少唐名國子主簿文章博士二人從五位下唐

名翰林學士博士一人正六位下唐名大學博士助

教二人正七位下直講二人正七位下音博士二人

從七位上書博士二人從七位上明法博士二人如

正七位下唐名律學博士等博士二人從七位上如

以頭助准祭酒司業可見已然至律學書算等博士

則品階反高其餘率可比較也但唐無音博士本

朝不置國子四門且如以文章博士准翰林學士雖

可職略同然翰林無可屬而文章隸于大學稱紀傳

儒並明經明法算學謂之四道博士則異乎唐制

本朝殿閣無學士官獨東宮置學士二人職原曰相

當從五位下唐名太子賓客譜第儒者有才德者應

其撰以待儲君讀也古今重之按梁沈文阿為東宮

學士隋褚亮李白藥為之唐賀德仁蕭德言為東宮

學士並見玉海本朝蓋倣之准太子賓客者非也

凡文中有關係直稱天朝官號則全篇宜仍其

例假稱漢名亦然若一篇中和漢雜稱則誤其實者

匪鮮此操觚家之所當慮也至臺閣之文則最難調
停要在使公武體面分明已矣清絢越前儒官為東轅王
撰樓鸞園記或評云朝紳皆如隸于江都者不可不
慎焉

公武對稱難措辭者固多矣聊試舉一例常憲天

君時奏請林某叙從五位下守大學頭爾來世除此

官在天朝則管氏四分家初任侍從准唐拾遺少納言

准唐給事中等帶文章博士遷式部大輔准唐吏部侍郎左右大

辨准唐尚書左右丞進參議准唐參知政事至中納言准唐門地望

崇卑固不待論也乃今竝用漢名曰林祭酒管翰林

耶林品似崇或用和名文章博士對大學頭亦管如

卑况以林祭酒偶管博士乎莫不錯認為屬官者焉

操觚之士至此等處頗費計較以愚見之管氏雖帶

文章博士自有式部大辨等本官可署則何必就其

卑者而稱之哉凡若斯類即不斟酌而措辭則恐冠

履例置而難免於雌黃之口矣

東涯曰以漢名稱國官必漢有其稱而可也如吏部

大辨金吾次將漢亦無此稱不知誰所置不可用也

而無官者以漢官自署如教諭教授亦不可也刊謬正俗

諸侯醫官所謂是鑿者稱曰侍鑿按職原曰侍醫相

當正六位下常候禁中故稱侍鑿也近世四位五位任之則僭矣宜避之

右筆字見職原未詳所據疑右史書言之義今或作祐筆非也鼇頭引東鑑云治承四年六月某日下曰大和判官代邦道右筆六年五月某日下曰伏見冠者藤原廣綱右筆又曰木曾義仲右筆大夫房覺明在箱根山中武家右筆名出于此禁中曰外記幕府曰右筆乃知當時右筆不學者不可為之室町而下俗文通用十牘如一則不復選文才善書者補之而其職漸卑矣古今之不相及矣獨此哉噫

通鑑梁武紀梁主大怒召主書於前口授勅書是邦俗所謂仰書也又唐憲宗紀堂後主書滑渙伏誅據此等則主書當准右筆

職原外記奉行恒例臨時公事除目叙位等事官也

鼇頭云外記掌書宣旨通鑑唐玄宗紀帝出天子

有命召藏人宣之藏人承天子之言以達於上卿寫

一本為案謂之口宣上卿以口宣附於外記外記受

外記書謂之宣旨故口宣案末署藏人名又宣旨末

署外記名東涯引夢溪筆談曰唐曰宣底者即口宣

之案也

明史武宗
紀寧王察
令承奉劉
吉等招劇
盜某某等
入府旆把
勢

秋草云馬
迴之名其
來舊矣永
正六年惠
林公賜細
川右京大
夫書有年
寄馬迴諸
士云云語
可見已

按後世稱
中涓者亦
官也如
明祖曰求
善長于中
涓百無一
二可見已

左氏文公十七年傳鄭子家使執訊而與之書以告
趙宣子杜注執訊通訊問之官此與詩云執訊獲醜
鼎先輩以准諸侯留守居所職略似又有以明承
奉擬之者如稱御城使則承奉近之須隨時宜取舍
馬

魯語諸侯有卿無軍帥教衛以贊元侯史記周昌為
職志擊秦如淳曰官名王旗幟先輩以職志准旗奉
行教衛擬馬迴皆近似焉

漢功臣表某某為中涓注親近之臣若謁者舍人春
秋時涓人疇外主受謁居中主潔涓洒掃之事先輩

以中涓准取次或擬掃除奉行皆有據也今就字面
觀之主掃近之然如功臣為漢王中涓則似主謁要
之中涓一官掌內外兩職今不可定准一職

唐太宗紀武德四年加號天策上將賜班劍四十人
儀衛志大駕鹵簿左右衛將軍二人分左右領班劍
儀刀各一人晉書會稽王賜班劍注引漢官儀曰班
劍以席皮飾之唐六典武庫令刀之制有四儀刀彰
刃積刀陌刀竝見玉海按太宗紀儀衛志所謂班劍
儀刀皆職名猶邦俗曰御劍持御刀持晉書六典所
謂班劍儀刀皆器名名同而實異不可混焉

東涯曰本朝玄蕃寮即唐鴻臚寺也掌蕃客字屠之事唐時亦有崇玄署掌佛老事王客郎中高宗時改司蕃郎中掌待遠人本朝命鴻臚曰玄蕃義

蓋本于此錄蓋蕃

徂徠曰牧長稱別當獨武州為然見于今若秩父莊

司別當長井齋藤別當蓋謂此職也別南留按院司有

御廐別當掌點檢院中馬牛源義仲義經等嘗帶此

職朝廷本有左右馬寮御監掌天下馬政院司

蓋擬之御監室可以來定為幕府兼職今諸侯國或

呼馬官為別當者蓋古名之存也

別當名義未詳按職原獎學淳和兩院大學寮內膳司藏人所檢非違使廳等皆有別當鼈頭云凡別當者監察為任若大學與內膳頭正以下掌寮司之政別當無定職唯為上首監其事耳然不言其名稱所本則亦不可為定說

徂徠曰莊者莊園也私田應有之而公田則當無矣

綱目唐紀魚朝恩以賜莊為章敬寺集覽賜莊先蒙所賜之莊田即其私田或是權

書采邑或是寺祠封戶也為之宰掌其邑務者呼為

莊司然則地無莊名者蓋亦多也國郡鄉里名見和

名類聚本法次第迺爾若必曰某莊某村則謬矣留南

別志

又曰古者諸國有追捕使伴氏系譜載助兼者為參

河國追捕使事不爾鎌倉氏豈遽請總追捕使乎上同

按鎌倉時守護地頭兩職亦冠以總字而自領之諸

國並置守護則新製名者也

國守官也守護職也不可混焉若源義貞任播磨守

補三國守護可以見矣

凡官人所掌謂之職然本朝貞觀以來官外別有

稱職者若攝政關白別當博士等是也而授之曰補

按綱目續編宋神宗詳定官位注云其官人授受之

別有官有職有差遣則非無所據所謂差遣臨時命

之若河北招撫荆南制置等使是也在本朝則征

東征夷等使當准之但征夷使自鎌倉氏以來為宣

下官見職原鼈頭云宣下官不載除目特下宣旨補

之若大學寮內膳司等別當是也然則雖曰官實職

也

職原曰秋田城介為出羽介者兼之除目不任之被

軍下也按舊志建保六年三月藤九郎盛長子景盛

任出羽權介為秋田城主越四月叙從五位下時呼

為秋田城介云名義分明然則其曰被宣下者蓋謂

賜秋田城主之命也

陸宣公奏議曰夫誘人之方惟名與利名近虛而於

教約重利近實而於德為輕專實利而不濟之以虛

則物力不給專虛名而不副之以實則人情不趨故

國家命秩之制有職事有散官文散官凡九品二十

同三司至從九品下將仕郎武散官凡九品三十一

階四十五號從一品下驃騎大將軍至從九品下歸德

執上載有勳官凡十二轉上柱國至武騎尉上柱有爵

號凡九等王正一品然掌務而受俸者唯繫職事之

資蔭而已此所謂假虛名以佐實利者也按本朝

官制率倣唐典而從簡易位階三十級即文散官也

勳十二等即勳官也竝不建名號又無爵制藤氏九

公本非恒例但公卿殿上大夫侍等稱或當擬爵耳

若夫武散官則全無矣

徂徠曰目代即主典代也猶曰判官代或以為眼代

者誤矣南留按凡官四分配當亦教曰長官曰次官

唐曰通判官曰主典目者諸國主典也東鑑載平

氏時以八牧判官兼隆為伊豆目代事判官尉也單

判官者限檢非違使尉天長以來例也而蓋兼隆以

叙五位則稱大夫判官如源義經即是檢非尉為平氏監察其國也然則俗所謂眼代者而

非主典代矣今日光久能等有稱御目代者實監厝使也

中葉以來上皇宮曰某院白河上皇聽政院中

置大別當清華公執事攝名家人年預同判官代夫諸大

之主典代廳官等以統理庶務別當執事長官也年

預次官也判官主典竝加代字以別于朝官院廳院

司等名蓋起于茲職原云代字限院中然則後來職

名曰某代者上之親王代大將代之類皆從院司轉來

也類下之親王代郡代之類皆從院司轉來

宇多上皇落髮始稱法皇世之所稱也遺詔停上謚

因稱某土宇多醍醐天皇後又稱某院天子院號自

村上復稱天皇遂為永制蓋為釋氏所誤也誓西

土例六朝之際朝廷稱臺若有蘭林曰洪容齋二

廷禁省為臺故稱禁城官軍為臺軍使者曰

臺使卿士為臺官法令為臺格需科則曰臺有求須

一調發則曰臺所遣兵劉夢得賦金陵五詠故有臺城

說言是也然風俗通亦有朝臺未聞稱院者左傳疏云

自漢以來三公所居謂之府九卿所居謂之寺風俗

通曰府聚也寺司也後漢明帝崇尚浮屠始造梵刹

名白馬寺蓋擬九卿寺也本朝亦效之而寺內有

子院則院名卑於寺奈之何可為至尊稱哉今士庶

卷之十
正名錄言
卷之十
十
卷之十

之家奉釋氏教法謚曰某院者比比焉而未可遽以
僭濫論之矣噫是誰之愆歟

白河以來上皇命曰院宣邦人習聞則不復疑焉即
使漢人見之耶恐不辨為至尊言也先輩或改作上
皇之誥得矣按通鑑唐紀睿宗禪位玄宗上皇自稱
曰朕命曰誥皇帝自稱曰予命曰制敕蓋据此例也
本朝中古之時典章蔚然百度皆可記述焉復寧須
潤色哉至叔世名號則載之簡牘尊卑難辨者頗多
矣然寶錄之體不得不遵成憲其他則仙洞御所曰
上皇宮院號配謚者復古稱天皇之類不妨脩飾以

就典雅也 天朝之事猶然矧鑣倉以降稱呼汎

濫者乎即不加彫琢奚用漢文為 法皇賜渤海使者裴邈書

蓋簪錄曰延喜八年 稱日本柵鶴洞居士無名謹狀見本朝文粹 上

皇稱居士實異聞也而西土亦有似之者世說載梁

簡文為候景幽繫題壁自叙云有梁正士蘭陵蕭世

續立身行道終始如一云云注梁書帝諱綱字世續

武帝第三子可見天子亦稱士但是困極自貶抑者

不可以常例論焉

蘭林曰居士今人唯以為士人歸佛者之稱非也韓

非子云齊有居士田仲者禮玉藻有居士錦帶之語
 皆謂有德而弗仕者故佛學者流取之為稱處士居
 士其義本同但北史陸法和歸佛道官至大尉而自
 稱居士世人亦以居士稱之此可為佛者稱居士之
 始也講習餘筆
 又曰本朝中葉以來歸佛者稱入道梁簡文紀侯
 景以太子妃賜郭元建元建曰豈有皇太子妃乃為
 人妾乎竟不與相見聽使入道此其所本歟同上
 括囊曰近讀世儒著述之書自稱日本夷人某或年
 號之上加日本二字異邦每異姓代興改稱有天下
之號故年號之上加其號以示

下谷海曰物部茂卿孔子贊稱日本國夷人無尼憚何無此唯泥漢土文字遠古之天皇建國大體者也昔六朝時南朝指北朝斥南曰島夷此各張國體尊我與彼理勢當然抑南朝之人自稱島夷北朝之士自稱東夷

其歷世吾邦異邦王統一姓無革命或指言慶長年
 間為國初之類國初當指神武帝時不可拔舉專事華藻而無
 窮理之實功故終不曉文義共犯不韙之罪耳稱呼辨正
 闇齋曰中國之名各國自言則我是中而四外夷也
 是故我曰豐葦原中國亦非我之得而私也程子論
 天地曰地形有高下無適不為中實至極之言也會文
 錄筆
 潛鋒戶山儒官愿水曰淡海公奉勅撰職員掌遠人謂之
 玄蕃萬多親王區別姓氏秦漢之裔收之諸蕃源親
 房亦曰彼以我為東夷猶我以彼為西蕃也近學墮

未嘗有之矣。今若茂卿、猶南朝之人，而稱東夷、北朝之士，而稱索虜，豈不背事體哉。

秋草姓名部引孝德紀廢帝紀。舉大伴長德、字馬飼、惠美、押勝、字尚、舅等。則先朝台。有百年既有用複字者。

秋草云義。姓記類朝。對面條曰。何人問假名實名。云云。假名。今日苗字。又云。書假名者非也。宜書家名。因引今昔物語。某之郎等。家名。則不知字。曰大記之。語以証之。此假名苗字。混為一。異乎。余所聞。未知孰是。姑記備考。

乎市井文不振乎。縉紳惜乎典故。而不之顧。或呼元明為中華。自稱為東夷。殆幾乎外視萬世父母之邦。而無蔑百王憲令之著矣。大保建

本朝無諱名之制。故不命字。比至中葉。文士徃徃命字。若菅原道真字三紀。長谷雄字寬三。善清行字耀文。室康秀字琳。大江維時字二。蓋效西土單字耳。張漢

釋之字。秀。鄭當時字莊。之類。伊藤善韶曰。藤原良繩。用單字。但歷學生人命之。非每人有之也。歷朝台。且見于三代實錄。此公不。後來武弁之俗。假名實名。名乘苗字等目。紛紛雜起。所謂假名者。稱也。若

曰源太。曰平二。蓋自菅三江二。等轉來。菅三江二。竝字。而疑乎行。

弟職原。齧頭云。菅丞相名三。字。似字而非矣。實名。名道真。不知何據。恐是屬臆說。乘皆名也。實名對假名。名乘則由臨敵自唱而言之。苗字即族也。若曰和田曰三浦。大率地名。居十之九。

焉。若守屋川勝。則以祖名為氏者。蓋亦展氏。滅氏之類也。但展滅皆以王父字為氏。本朝不諱。故祖名為氏。其義一也。

東涯曰。本國大姓有皇。王族神族蕃之外國之別。而源平藤橘四姓最盛。其族姓支流不可殫計。中國姓廢而

專用氏。吾邦古有姓。而無氏。中葉始有姓氏之別。今也。品官家專用姓。而其餘皆稱氏。其或同一氏也。或

也。品官家專用姓。而其餘皆稱氏。其或同一氏也。或

正名者言。卷之下。藤原實統。

平春海曰古昔外國之通好者多矣就中若三韓渤海等則彼正脩職貢也置之蕃臣列國母論焉獨漢土則異此而為敵體國指彼曰唐國西土又稱唐帝見國史然則全宜效之稱西土或清國清帝是乃穩當天國學若派

乘世儒稱彼曰中夏其弊有指言漢土如戎狄者反背古制古之天皇崇聖人之道文物制度皆師法彼則言當不如此但我視彼猶宋齊梁陳之視燕秦魏周可也

有出于源者或有出于平者如高階大神等直以姓為氏碑銘行狀中當云某姓某氏不可必循華制刊

俗正

括囊曰伊藤氏所著刊謬正俗論議明正非知名分

之大體者不能摠發此義但指西土稱中華或中國

誤矣蓋西土人自稱中國或中華固其所也此方人

代其人說其書則姑用其稱可也就國典論則當稱

西土或西蕃或漢土或唐山矣辨稱正呼

日本紀 孝德二年詔曰西土之君戒其民曰云

云先儒指言唐山為西土蓋本于茲

澹泊曰通鑑唐文宗紀杜悰謂李德裕曰靖安相公

令悰達意胡注李宗閔蓋居靖安坊因以稱之如劉

崇望居光德坊呼為光德劉公之類甲按宗閔崇望皆

同平章事 皇朝公卿槩以所居坊里稱之蓋自

唐時已然湖亭涉筆

邦俗呼貴人以名配公曰賴朝公義經公之類本由

無諱名之制也西土亦偶有之天寶遺事盧奐為陝

州刺史嚴毅之聲聞於關內州民多有淫祀者士相

語曰不須賽神明不必求巫祀爾莫犯盧奐公立便

有禍福可見已

温大雅創業起居注曰大業十三年六月甲申命大
 郎二郎率眾取之除程命費三日之糧時文武官人
 竝未署置軍中以次第呼太子建秦王世為大郎二
 郎秋七月壬子以四郎元吉為大原郡王留守晉陽
 按世俗呼長子次子為大郎二郎亦此義也如張昌
 宗稱六郎李輔國稱五郎之類皆以行第呼之而非
 長幼之序湖亭
 蘭林曰按北齊彭城景思王傳王洸神武第五子也
 博士韓毅見洸筆跡未工戲曰五郎書畫如此此以
 第五子稱五郎也又滕穆王瓚傳瓚好書愛士時人

號曰楊三郎此瓚楊忠第三男故謂如此又北周文
 宗族子宇文慶子鼎其以第三子故稱宇文三郎竝
 見北史此等配姓曰幾郎本朝中古以來稱源三
 郎等其所本也据之則六朝以來有此稱呼也講習
 平景時之子長曰源大景季次曰平二景高曾我祐
 成兄也而呼十郎時宗弟也而呼五郎人或疑之余
 嘗聞之先輩曰中葉以來武人之子初著烏帽謂之
 元服猶搢紳一長者必為之義父謂之烏賜氏若偏
 名以准子謂之子為子謂之子鑣倉公寵景季加首服于殿中因
 賜源氏蓋公為之義父也十郎從母為祐信所養准

秦學館藏

九郎祐國弟五郎方加首服為北條時政義子因受

偏名曰時宗而准小四郎義時弟此說殆發蒙今之

頭候宗室或加首服于殿中謂之殿賜大君偏名

謂之一蓋亦有所自也或曰賜偏名諸侯以比兄弟

之國者自室町氏始矣

嫡長曰伯庶長曰孟故丹伯牛吾知其為嫡百里孟

明吾知其為庶至仲叔以下則無復別之或曰本邦

武弁之俗兄弟排行大郎二郎錦戶大郎伊達二郎之類至十郎

若庶子則竝加小字和田小二郎之類以別之嫡庶之

分視彼更詳明秋草伊勢平藏所著云源氏嫡子稱源大郎

源大郎子稱小大郎餘外皆爾熊谷二郎直實子曰

小二郎直家川越大郎重賴子曰小大郎重房此與

前說異北條四郎時政子稱小四郎義時亦似同例

野史有家子即等中間下部等稱或曰家子累世家

僕也郎等謂瓜葛之待我而衣食者又有異姓者一

壯者曰中間以居郎等與下部之間名之然則今之

中間即古之下部也

國人呼駛卒為足輕蓋蘇氏策別所謂足輕險阻之

意也或曰足輕之名見盛衰記卷十四太平記卷三十六等

當時似言招聚多方之惡棍以為奇兵者据此則與

今足輕名同實異

徂徠曰白丁人也白張服也南志按白張

猶西土呼白衣服名轉為稱呼者不止茲如退紅如

木皆爾

蘭林曰本朝稱某國住人某亦有所本沈存中華談

載隨州大洪山住人李遙殺人是也

柳文李赤傳曰李赤江湖浪人也按柳州此語從莊

子東海波臣轉化來今謂士之喪祿客于他鄉者為

浪人亦此義也但本邦浪人之名所由來舊矣續曰

本紀廢帝天平寶字三年九月下曰遷坂東八

國及越前能登越後等國浮浪人以為雄勝柵戶蓋

當時出羽國城秋田雄勝兩地以鎮蝦夷東鑑又載

追放浪人施于浪人等事甲按廢帝天平寶字三

年即唐肅宗乾元二年也然則先柳文數十年既有

此稱或於古史有所本歟

近世職名較涉乎淺俗難載簡牘佐倉儒臣井太室

嘗著建官考以漢名准之參推頗廣條理不替亦好

書也然未必無一二可議焉今乃就其中採允當者

間又刷新擬者以錄于左要不嫌於天朝官稱

是余之所以用心也故唐官亦避正名顯著者用名

號稱呼居多矣若夫執政通政參政司賓京尹府尹等並是城主領主入官江都者猶周之諸侯入為王卿士佗如中謝內宰等凡叙從五位下亦似周官大夫其餘職名猶遺漏者持待後日補焉

外朝

執政中老參政若年侍書奧右主書表右令史頭組吟

方日注方日記司錄方分限

殿中

大司賓若奏大行令高親信小中奧通直中奧介人御使

職幣進物火師火外給使坊長頭組知更時計酒掃

使頭掃除

內朝

通政御側中謝御側溫信御小內務御小內使同長

內給使奧坊長組茶房直長數奇司刀令腰物典佩

方腰物功正頭細工

後房

內宰御留西城留守西丸御後房令廣敷直闡長廣敷

番檢笥番切手主進取進次物

厨官

食監御膳司膳御膳庖正頭膳宰御膳饗正御臺庖

三品階官

卷之下

卷之二

泰嶺官職

人料理
人烹醞
人酒

監官

大主裡寺社江都令町奉司元地方提控案牘

評定錄事留救火捕賊使賦改方盜把勢取件作檢守

牢獄囚禁子番割手切人

憲官

都憲付大目簡較付御目巡按使目百日檢鈔使改鐵炮檢耶

蘇使改宗門館驛使奉道中憲臺驅使付徒目長頭組臺卒人小

府官

司會奉勘行定點檢吟味司計組頭攢典方勘定司倉御藏藥

人方御藏守庫手御代司珍奉御行金內監戶御納典事頭組菜園

監奉菜行園花園監奉花行畑知縣官御代農扈役地方量人取竿林

衙行林奉巡河使奉川行除

作部

匠作令奉作行事丞方吟味監作役改主事行下奉計吏元工長

頭大工工師棟梁營繕令奉普行請典事官被中匠令奉小普請丞

役目付監匠方改典事請小普司行疊奉木石主務奉材木石

漆油主務奉漆行油司里改屋敷司水改上水街道使行道奉

閑廐

三
口
備
言
卷
之
下
廿
四
卷
續
館
藏

司馭方御趣馬預御駕長方御馬御馬醫典

牧野駒牧師馬質伯牽口

鷹犬局

侍獵御鷹鷹師鷹人匠鷹迹禽見長頭竿人刺圓

人薛犬引

舟楫署

舟楫令手御陪乘役上乘正稍頭御船水手子加起船符驗

監奉川行舟

學館

大師氏酒祭掌教者儒試掌教習見助教役出典簿組勤頭番吏目

煎肝諸吏番勤門士番

醫院

候醫與醫直醫番醫員者總醫瘍醫科外

雜職

司曆方天文祝史者神道伶人樂畫師繪基工所基象工將

所舞工若四部伎者能役

武官

大衛將頭大番枝尉頭組大衛騎組大番翊衛騎力與卒心勳

衛將番書頭副帥頭組勳衛騎番書院親衛將番小頭姓副帥頭組

親衛騎番小姓散手教頭支小普請班頭頭組散手請小普納

親衛騎番小姓散手教頭支小普請班頭頭組散手請小普納

資使集金新衛將頭新番副帥頭組新衛騎組新番行司馬十小

人隊正頭組夾轂隊人小十奉塗都尉頭徒士隊正頭組先驅

徒司旗奉御行旗參軍力與旗卒心同司槍奉御行槍卒心同百槍

帥頭千人百鈔帥頭百人中軍弓隊長頭持弓射生手力與弓

卒心同中軍鈔隊長頭持筒鈔生手力與鈔卒心同前軍倣此

先手頭與弓頭力同及鐵指揮使番御使防火使消定火巡街防火

使役見廻貝師役貝鼓師役大鼓煩師役大筒司鈔方鐵炮望樓

使番天守寶庫使番寶藏

武庫

甲坊令具足司幕奉御幕弓槍署令奉弓天槍鈔庫令筒篳

行奉火藥局令奉王藥計吏元

僕役

掌徒頭黑流庸頭黑蒼頭長頭中間小底長頭小人信人頭御

籠輿頭御丁籠御者荷輦御輿

使額

館伴使走御馳某廂攝祭酒代御名祭儀使奉祭禮監祭使

御目監交替使渡引掌館使割御宿監仗使奉行列巡檢使

見巡充某處防火使防御

外鎮

平安

...

京尹代所司諸曹參軍力與平安令行町奉諸曹騎吏力與衛

尉御禁附裡南宮衛尉御仙附洞衛騎力與赤縣令官御代二條守

備御城鎮騎力與行殿丞殿二條御

大坂

府尹代城少尹番定鎮騎力與大坂令行町奉諸曹騎吏力與都

船監行船奉騎吏力與行臺管匠奉破損管弓行弓奉管鈞力與鐵

行奉管甲具足管貨行金奉管糧行藏奉

駿府

府尹代城少尹番定鎮騎力與府中令行町奉諸曹騎吏力與軍

器監武具監畜使代御目

東涯曰唐京兆古雍州域即漢長安也謂之西都河

南洛陽東周都也謂之東都太原晉陽唐家興王地

也故此為都各置尹一人謂之三都留守唐官今代

平安大坂駿府事體略似焉

州縣

伏水尹伏見知甲府事甲府勤長崎令奉長崎山田令

山田日光令奉日光寧樂令奉奈良左海令行堺奉佐渡令

奉佐渡浦賀令奉浦賀

江都職掌准天朝者大抵如左餘當類推焉

執政三公參政議參通政言納中謝侍從溫信藏人侍書內記主書

宛委餘編九皆世有官無討者為尹

外司賓傳都憲正都令市司會計匠作理營繕工木親

衛近衛勳衛府衛京尹職京府尹守鎮

藩國

某候傳御紀伊安藤老如水尾中山等某國相五位老下某

土留守八城代代備後老三原等某藩執政老家某藩參政

年寄中老用某藩留守代城司務人公用書佐華奧右書

記表右客司番奏者通人次取行人番使主弊方到來公士

小姓組上造奧中公正頭小姓同坊主江都知事側用饋

人近習門子姓兒小司服戶小納典簿茶博主茶道同奧坊

江都監膳番膳品嘗役陪膳厨宰人臺以下賄役同于江都祠

曹奉寺行社市令行町奉掌課代郡采長郡奉本把手留役以下視取

江都執法付大目法曹驅使目徒付士巡街廻町監卒付下目

典計頭勘定勘查役吟味計吏方勘定司吏行藏奉司金行金奉

府主事戶大納監稅官代場吏役地方山衡行山奉工正請普

奉行敷大工頭棟校正別執馭馬役視江都虞

人野奉同行鷹匠舟牧下船奉行江都以文學者儒

伴讀詰奧教授校學診醫醫匙內醫外料等同番醫江都醫學者

僕人付供目守佩番刀跟從方供跟子押舁夫尺陸穿鞋取草履

中問于頭小都掌次宿邸監居守執訊承奉都江

留守居開滕臣寄奧年騎將騎督頭番教衛廻馬職志

旗奉先驅長頭徒士控弦隊組射手照星隊炮士鐵炮卒鐵

先足輕先筒、視、江、都、軍、監、太、鼓、預、○、江、都、○、武、庫、令、器、武

方○門長頭番門吏見付門夫番門區卒番看卒見遠巡

卒迴之駛卒輕足走卒輕使足干擷夜○關尹預關所監門

番門上門士固門抱關番門

內職

左右媵御上薦側室屋御部老內人女老相室老中侍人側御祇

候人姓御小司衣納御小衣工妙針女史右筆傳姆守御大乳人

御乳司鑰口錠小妮子居中婢使下端

鄉里

鄉保大莊里正莊耆長寄年戶長頭組鄉書手書物亭長屋問

排年事行遞夫足宿人脚力足村人馬長借馬馭夫子馬船戶

頭船渡丁守渡臺夫越川守間番木戶打更木拍子開夫番槌之橋

丁守橋傭夫取日雇保傭人下佃戶人下作莊僕守屋數團戶番

街坊

市長總年坊正主名行老寄年隣長頭組日館所會坊書手書物

街卒役下正戶家本析戶家分屬戶家別當家頭番管家代手童僕

丁木頭主家僑戶屋借守舍守屋舖行屋問牙保買中傳遽飛脚

急脚飛押解領率轎夫昇駕籠挽夫力車篋頭髮屬垣番垣外

東涯刊謬正俗分目十四別年號稱呼自述印章簽押

續編

碑碣、族屬、括囊稱呼辨正、班類惟十、國郡鄉里、中國
編集、訓詁、姓名、神諱、神主、題號、公私、諡號、正名之說、其可
謂叩底、歟、以愚見、心官爵稱呼、猶似過略、蓋言之長
而或觸乎忌諱、故避嫌、不論究也、此編特詳焉、其他
分類、率讓先匠、不復具列、讀者求全備、二書既行、于
世、就閱之、可矣、

大坂、金谷、興詩、立禮、
中條、直養、浩然、同技、
野清、道元、坦書、
出野、清道、元坦、書、

正名緒言卷之下

龜山田章書

大臣雖貴亦人臣也而有其官必有其職斯之謂名
之可言言之可行也自 王朝既衰武人知天下
其名則雖人臣而其實反之我已受王官不從王事
乃令事我者從我下者豈其心服且我所受王官也
臣下所受亦王官也君臣同受王官則其實雖君臣
而其名則共王臣也其臣詎有尊我之實乎哉義滿
之世叛臣常弗絕此雖其不德所致抑亦由乎名實
之反矣且身已爲人臣而驅使朝紳名爲昵近爲家
禮僭竊之罪寧逃萬代之議世態既變則須由其變
而制一代之禮是乃變通之義也譬使斯人小有學

術耶迺當斯時講究和漢古今事制降天子一等以
立其名號除 天朝百官外使闔國人民悉爲其
臣則名正言順歷代相承訖今將循用之不亦善乎
靜寄餘筆平氏雖暴猶是朝臣而已鎌倉氏興而天
下形勢一變是則桓文事也義時陪臣而執國命以
傳八世其事君子難言之至于足利氏出則變之極
也或問織田氏羽柴氏之事何如余曰此當別論時
體大有與鎌倉室町異者也鎌倉竊柄者也室町奪
柄者也自織田氏以降則戡亂者也當須論其得失
可否矣不可比鎌倉室町而言之也

鎌倉時國補守護莊園置地頭皆以武人爲之其初
不過田賦每段分五升以充兵食云爾而行之未數
年威權移于護頭國司屏息領家束手乃知名器之
不可輕假也

淳和辨學兩院源氏學也天仁以來久我氏世補別
當恒例也至鹿苑公自請補之爾來相襲爲幕府兼
職大將軍武弁棟梁也馬寮御監掌天下馬政大臣
統綱紀號令兩院別當執奏叙任鹿苑公假此數名
以奪國柄呀巧也夫
上杉氏宰太田道灌相土創城江戶有神君之有八

州据其墟以增式廓經營新成一統之後侍臣某怪
其無甕城也得問而問之神君哂曰有但御不見
之耳某不得其意則低首沈吟神君曰爾不知乎關
西有大阪城是乃吾甕城也東則奧之白河關爾其
人始悟大感服云甕城俗所謂馬出也
神君時殿堂結構率合度鎌府如首實檢窓盛久柱
皆其遺制也至台德大君以外戚陞相國則中門
施行車殿上間帳臺垂翠簾挂總角等威遵室町制
其餘品式亦有准仙洞者如所謂答勅曰返答
之類不一而足矣皆是天朝所賜而非借竊也

世儒不詳事實或以為鹿苑公倫而容議於其間者
 可謂疏已
 大猷大君某年八月除譜第外會列國諸侯出令曰
 神君創業實列位援助焉依且祖考昔嘗駢肩乎省
 中故待以賓禮而訖今若孤是燥髮天下也則將異
 乎二世之撰厥自今以往列位亦孤之家禮也因庶
 事處分應准譜第或其不肯者退自我量給暇在藩
 許留滯三期其中熟慮焉即有奮發耶唯意呀向也
 諸侯悚息聽命於是大君起入便廳以次延一人
 見之賜以腰刀拜戴將退則曰直鑿身于此諸侯不

得辭便抽而視之
 傍亦無刀劍云
 文照大君時源白石眷遇建議肄事不一若夫請王
 號而正名分以一州當赤縣公卿百官食邑乎其內
 諸侯則屬之
 王朝除拜壽帖竝出於其手新製官
 號章服以建一代之法則白石腹稿主意在茲云固
 非區區守株論雖然其於時勢似乎未深察焉蓋草
 創之初大亂纔平人心未定乃乘斯時新民耳目則
 庶乎有成矣抑室町之初立鹿苑驕恣挾門生天子
 以令於功臣守護也何求而不獲焉而弗果為之也

神君謙讓豈違乎哉若乃暨昇平日久輕興新規以
 動搖人心則天下自是多事矣白石以經濟自負而
 不計時勢若此則使之當路乎又出一安石耳其竟
 弗用豈非天下幸也歟
 自源大將軍開府鑰倉政權漸移于關東皇綱弗振
 數世矣元弘帝雖一旦張之亡幾解紐又歸于
 室町氏上天或厭厥德與抑謙光不被而武人積憤
 公家也既而歷織田豐臣至于今代則政權之復乎
 天朝即五尺童知其不可但名號之不正弗能無識
 者之憾焉原夫鑰倉時勢未可正名也買珠還櫝其

策實出于廣元方室町世其勢非不可而其所請失
 宜則竊為鹿苑惜之豐國權勢倍蓰鹿苑而攷其時
 則又不可何者當時諸侯爵位稍逼上若將邊正名
 也必生變矣是故雖勉以恩義結其心而坏土未乾
 名分既亂諸侯不知所適從慶元以降諸侯官階漸
 卑上下分較明然正名之議未立也諸家簡牘稱呼
 紊爾藉使方今史氏抱遷固之才將曲筆之不服豈
 能自引繩墨以與人耶
 或曰它日奉勅修史以九五九四為正當據古史古
 史充棟皆詳崩薨官爵儀度據家乘家乘汗牛率載

善惡廢興勝敗是而足矣復不須書若推治亂興廢之所係原國以民爲本之義今之九五者上九也不得不以九四爲九五也二義不可偏廢則不得不於非王非侯之間而曖昧取舍也曖昧取舍有得有失固其所也焉得一爲之辨駁又曰既有非王非侯之事體而非侯非王之文字是以學者惑焉此亦快論足解拘儒之縛矣但憾抑揚之間未能無小疵如所謂以九四爲九五豈可爲訓哉

平持門者舍實求名者也而招族滅之禍彼一時也源賴朝者舍名求實者也而致門昌之福此一時也

爾來武人率倣其故智雖然如源公請總守護職是亦假名者也假而不歸實遂從之至室町氏實其固有又從求名但其所請竟不與符故遺憾乎後世矣仲尼曰名與器不可以假人也夫名譬之官爵也器譬之封土也而勢不可兩畜焉則將假名耶抑器耶嘗試論之厥本天朝也曰文治以來其器既爲武人所有天子徒擁虛名以當告朔之餼羊也勢不得不畜其名矣若主江都乎曰天朝公卿官爵其家物則勢不得不畜封土而列國諸侯封土其固有也不得不畜官爵矣公武交牽制而維持國體

今時勢為然是其所以名實竟不相符而正名之說不行也

凡事時雖可笑無人則弗行雖有人乎時否則弗成夫室町之有賴之猶鎌倉之有廣元賴之篤實君子也而無通變才廣元柔佞小人也而有經世畧譬使廣元管領室町耶或將議正名易服賴之輔佐鎌倉耶安辨請總追捕使是其才之所以不可已而略之所以不可無也今代既踰十世而攷正名之時則微矣無已其三世乎大君英武遠過鎌倉室町而諸候臣從兆姓拭目譬使白石當其時委以廣元之任

耶正名易服或可庶幾焉耳

右正名緒言二卷併附錄家君筮仕本藩之前年大隊容游中所撰也爾後官途擾擾而考覈不廢其有得輒細書上層以備異日之考而未遑脫稿亨和癸亥忽焉易簣悲哉二三門人懼此書亦從而泯也胥議上梓而其所校訂悉依舊稿不敢改一字今茲己巳刻成以藏家塾聊為同志省繕寫之勞云男在謹記

正名緒言附錄

五言詩

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十	五十一	五十二	五十三	五十四	五十五	五十六	五十七	五十八	五十九	六十	六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----



上海图书馆藏
四六八八号

